
ОЛТИН ОСТОНАГА БИРИНЧИ ҚАДАМ

Носир Жўраев

УЛҒАЙИШ КУНЛАРИ

Шеърлар



Ғафур Ғулом номидаги
наприёт-матбаа ижодий уйи
Тошкент — 2008

84 (5Ў)6

Ж 96

*Ўзбекистон Ёзувчилар уюшмаси тавсияси билан
нашр этилмоқда*


Ю 34744
0

Жўраев, Носир.

Улғайиш кунлари: Шеърлар /Н. Жўраев. —
Тошкент: Гафур Гулом номидаги нашриёт-матбаа
ижодий уйи, 2008. — 32 б.

Самимий тилда ёзилган ҳар қандай асар ҳам бир
ўқишда кўнгилдан жой олади. Китобга жамланган
шеърларда муҳаббат васф қилинган. Демак, қалбни ўртаган
қўшиқни тинглаш мароқлидир.

ББК 84 (5Ў)6



© Носир Жўраев.
Гафур Гулом номидаги
нашриёт-матбаа ижодий
уйи, 2008 йил.



Ёшлик кундалиги

СОҒИНДИМ

Паришонхаёлман, паришон хаёл,
Ўзимни зор этиб сени соғиндим.
Уч юз чақиримни олмасдан оғир,
Кипритимда тутиб, сени соғиндим.

Қалдирғоч қаноти ўзиб шамолдан
Келарми довондан нари — шимолдан.
Хат-хабар бормикин, ҳайронман, лолман,
Нафасимни ютиб, сени соғиндим.

Севгимиз шамолга, қушга боғлиқми —
Ким берган севгига бу ном-ёрлиқни?!
Биров ҳис қилганми бундай оғриқни,
Жонимни оғритиб, сени соғиндим.

Сени айбга қўйиб, эҳтимол, ҳақман,
Ахир интизорман, ахир итҳақман.
Аммо, хаёлингда борманми, йўқман,
Соғинишинг кутиб сени соғиндим.

МУМКИН

Балоғат хаёли бу, балоғат сўз бу,
Бундай ифодага фақат ишқ мумкин.
Менга роҳат аёз, фароғат куздир,
Сенга гул термоққа кузу қиш мумкин.

Шамоллар олисдан келар битмайин,
Бу ерда гулларнинг бўйлари майин.
Ялпизим, райҳоним... ва шундан кейин
Фақат атиргулга ботиниш мумкин.

Гўзалмас, сунбуллар анҳор бўйинда,
Сунбуллар чиройли мармар бўйинида.
Сенинг ҳижронингда, сенинг кўйингда
Менга ҳамма бало, ҳамма иш мумкин.

Муҳаббат деминда эътиқод, дин йўқ,
Араз йўқ, гина йўқ, шикоят, кин йўқ.
Аммо бу дунёда мендан худбин йўқ,
Мени соғинганни соғиниш мумкин.

КУГДИНГИЗ

Соғиндим. Кугдингиз. Бормадим. Узр.
Кўнглингиз олмадим кўнглидагидай.
Хаёлида исмим айғаниб юрган,
Қизлар борлигини мен қайдан билар.

Бағрини шамолга очиб йиғлаган,
Сирларин сув ютган жабрдийдалар.

Кўзимга исмадим туйғуларингизни,
Сизга қаролмасдан кўзим қийналар.

Хатлар остонадан ҳайиқиб хатлар,
Ҳали ўқилмасдан йиртилган бари.
Ёки рангли, номсиз... эсимда ҳам йўқ,
Қизларнинг хотира дафтари.

Сабабсиз кўз ёшлар, покиза ҳислар,
Сиздан аятаним ширин сўзларим.
Мен қанча гулларнинг тўқдим ёшини,
Аммо кўнглим тўлиб битта узмадим.

Елкамда тўзғийди сочлар тўфони,
Кўксимга бош қўйиб эркаланган қиз.
Бағримдаги оғир оғриқларимни,
Кўксимга бош қўйиб англаёлмайсиз.

Ёлғизман. Ўксидим. Севмадим ўзим.
Сиз билган севгига фикрим ўзгарган.
Хўрсиниб, қўл силкиб қоламан энди,
Мени тушларида кўрган қизларга.

СИЗГА

Сиз ўтиб борасиз дунё беҳабар,
Дунё этагидан ёниб боради.
Айни замон сизга кўринмас хатар,
Аҳти замон сиздан тониб боради.

Тушунсак бўлади, сиз моҳитабон,
Бизнинг мусибатга қарсак чалсангиз.

Фақат манзил эди, бизга қадрдон,
Сизнинг дарвозангиз, сизнинг дарчангиз.

Жодутар кампирнинг ҳийласи каби,
Деворлар тоғ бўлди, гул ёниб учди.
Кимларнинг қотди-ку дийдаси, лаби,
Сизнинг зулфингиздан қон томиб тушди.

Қандай туйғуларга бўлибман банди,
Кўксимни ёв уриб, дилини сонуриб.
Мени сеҳрлаган, сирлаган балки,
Нозик кафтингизнинг иссиқ ҳовури.

Сиз кетиб борасиз олис жудаям,
Йўтингиз беҳатар, губорсиз, чангсиз.
Фақат мункайибди кўтаролмай ҳам,
Беқадр дарвоза, ғариб дарчангиз.

ЁҒАР

Япроги зар олмазор,
Тилло ёғар бошимдан.
Севги — бир пул, дил — бозор,
Савдо ёғар бошимдан.

Ҳар япроги бир танга,
Ҳар танга ишқ — аланга.
Кўнгил ёрсам суйтанга,
Жафо ёғар бошимдан.

Сизга эмас, суйганим,
Оғочларга суяндим.

Ёмон бўлдим, суюндим,
Баҳо ёғар бошимдан.

Сиз деб топтаган майсам
Қани ҳолига қайтса.
Ўпкаламамг: “Кулмайсан...”
Даъво ёғар бошимдан.

Япроғи зар олмазор,
Тилло ёғар бошимдан.
Айбимни кўм, эй хазон,
Хато ёғар бошимдан.

Куйманг, офтоб истарам,
Мен изтироб истарам.
Сиз истанг, хоҳ истаманг,
Бало ёғар бошимдан.

КҲНГИЛ БЕРДИМ

Чиройлими, йўқми, бармоқларингиз,
Нафармонми, кўкми, тирноқларингиз.
Менга ёқиб қолди титроқларингиз,
Сизга кўнгил бердим, сизга, дишдорим.

Кўлингиз тиграши бекор гапмас бу,
Ажабланарпимас ва ажабмас бу.
Шунчаки таклифу ҳам талабмас бу,
Сизга кўнгил бердим, сизга, дишорим.

Келинг, муҳаббатни бир гулхан дейлик,
Гулхан атрофида биз бўлган дейлик.

Бир севгидан дейлик, бир гулдан дейлик,
Сизга кўнгил бердим, сизга, дидорим.

Дидормисиз, йўқми, билмайди ҳеч ким,
Эҳтимол, бунини фарқ қилмайди ҳеч ким.
Дидорим, мен эса... мен майли ҳеч ким,
Сизга кўнгил бердим, сизга, дидорим.

СЕНГА ШЕЪР

Ўтминдан не келса, бариси итм,
Майли шафқат бўлсин, майли-да зулм.
Йигирмага кирмай, қара, севгитим,
Тарихинг узоқ мен билган қадимдан.

Кўрдим, тамгусорлар сулоласини,
Манглаида ўйиқ оҳ-ноласини.
Ўқийман деганда хулосасини,
Чиқиб кставерар боғи ёдимдан.

Тоғларга миллиард йил берган ҳисоблар,
Миллион йил ҳақида ёзган китоблар.
Ҳамма ҳайқириқлар, ҳамма хитоблар,
Кўнгамас мен сенга ёзган хатимдан.

Қанча чўққиларни денгизлар ютди,
Тунроқлар ҳўнлади гиёҳу ўтди.
Мана, ёганим ҳам ўтминга ўтди,
Янги тарих боғига муҳаббатимдан.

БУНДАН БУЁҒИ

Жазирамаданмас, сувсизтикланмас,
Меҳримнинг кўшидан сўлган гиёҳим.
Кеча гул деганим бугун хору хас —
Хўрсиниб тургуси бундан буёғи.

Қуриркан ҳар қандай тўхтамас кўзёш,
Ва лекин шунчаки йўқтамас кўзёш.
Афсуски, тақдирни боғтамас кўзёш,
Афсуслар қипгуси бундан буёғи.

Райҳонлар тағида яшаш бошқача,
Бўйлари сочилса товон-бошгача...
Аммо хокисорлардан бағри тошгача
Бир бошдан кўргуси бундан буёғи.

Анорнинг гулини чироқ кўрганман,
Ёғдусида қанча титроқ кўрганман.
Бироқ сенда ундан кўпроқ кўрганман,
Қийноқда юргуси бундан буёғи.

Менда нима дард бор, бир кун гўкилар,
Лекин сенга қараб юрак ўкинар.
Қулишингни кўриб йиғлагим келар,
Йиғлашинг кулили бундан буёғи.

ХАЛҚОНА

Узугингни осмонга от,
Ой бўлади.
Ой деганлар ё шоир, ё
Бой бўлади.

Бигта қизни севар эдим,
Эсимда йўқ.
Эслаганим — гўзал эли,
Кўзлари чўғ.
Бигта гапи кетмайди
Ҳеч хаёлимдан:
“Кўнгли тўла боласану
Қўли қуруқ”.

Куктам кутсам нуқул хазон —
Япроқ келди.
Юрагимни икки бўлиб
Чақмоқ келди.
Билмай қолдим қайдан тегди
Менга бу дард —
Ҳали ичмай туриб қўлга
Титроқ келди.

Бошларимдан кумуш сочар
Ёмғир. Бойман.
Гул кўнглимга бошқаларни
Боқтирмайман.
Шу сел олсин боримни ҳам,
Йўтимни ҳам.
Кўнглим олган бой қизларни
Ёқтирмайман.

Узугингни осмонга от,
Ой бўлсин деб.
Ой деганлар ё шоир, ё
Бой бўлсин деб.

Сочи олгин чоғи, қоншу
Киприги ўқ.
Битта қизни севар эдим,
Эсимда йўқ.
Энди унга битта гапни
Айтгим келар —
“Кўнгли тоза боламан-да,
Қўлим қуруқ”.

Тилга узук нари борса,
Ой бўлади.
Ой деганлар зўр шоир, ё
Бой бўлади.

КЕЛИНГ

Гулларнинг ёнида гуллардан сўлим,
Гулларнинг ёнида уйғонган гулим.
Гулларнинг ёнидан ўтмайди йўлим —
Менинг ёнимга ҳам келиб кетинг бир.

Сизга ҳаддим сиғмас капалакчалик,
Тасодиф йўлиқмас капалакчалик,
Пешонам ёруғмас капалакчалик,
Менинг ёнимга ҳам келиб кетинг бир.

Тебранинг, бошимга шабнамлар ёғсин,
Кўксимдан тизгача малҳамдай оқсин.
Бораё десам, мендай йўқ ночор, йўқсит —
Менинг ёнимга ҳам келиб кетинг бир.

Мағрурлик ўтмайди гулпа, чаманга,
Мағрурлик ярашмас ранги сомонга.
Бир яхшилик қилинг битта ёмонга —
Менинг ёнимга ҳам келиб кетинг бир.

Шунча отриқ ёлғиз жон зиммасида,
Не жон кўрдим, бир армон зиммасида.
Мен ҳамма нарсадан кўз юммасимдан
Менинг ёнимга ҳам келиб кетинг бир.

НИЛУФАРЖОН

Нилуфаржон, айрилиқдан сўз айтсам,
Ҳинд куйидай осон сингар юракка.
Нилуфаржон, кўнглим эдинг, битмайсан,
Ким не билса, шуни тенглар юракка.

Нилуфаржон, битганим шу қорасоч,
Қорасочки, тўлғонарли бўйнингда.
Бармоқларим ғариблардай ухлаб оч,
Яна муҳтож уйғонарди бўйнингда.

Нилуфаржон, гулзормидинг, ўтмидим?!
Бир ниятта келолмадик одамлай.
Нелар ўтди кўнглингдан, мен ўтмадим —
Битта хаёл қилолмадик одамдай.

Нилуфаржон, сенси ҳаётим тушкун,
Сени ўйласам ҳам ундан мушкулроқ,
Мени қийнаб кўпроқ ёдимга тушгин,
Фақат кўпроқ, кўпроқ...

ЙИҒЛАДИНГИЗ...

Йиғладингиз қайғули
Овозишиз найдайин.
Сизга нима дей, гулим,
Айтинг, нима айтайин.

Хазонларни тўзғитиб
Юрганларим рост эди.
Кўйдингиз-ку қўзғатиб
Мен маст эдим, маст эдим.

Топйўлакка бош қуниб
Майсалар жон берганда.
Кўксимни кўзёни ўйиб
Қўлларингиз елкамда.

Гапирдингиз хокисор,
Сизга нима дей, ахир.
Менинг бошқа гулим бор,
Менда бошқа ўй, ахир.

Хазонбаргни ой деган
Кузни яхши кўраман,
Ҳечам йиғламайдиган
Қизни яхши кўраман.

Муҳаббат деб яшар-у,
Севиб ўлмас шоирлар
Фаришгага ўхшар-у,
Одам бўлмас шоирлар.

КУТИШ

Фожеа — мен яна сизни ўйладим,
Кўзимга ўрлади мовий ранг тугун.
Ўзимни бир нима қилиб қўймадим
Дийдорни жудаям кутганим учун.

Беҳамроҳ топиқиб қоларкан одам,
Айлана — юз бора қайтиб ўтаман.
Қароқ нам, яноқ нам, кейин тупроқ нам,
Нега ҳатиям мен сизни кутаман?

Неча бор ўзгарди япроқлар ранги,
Неча бор тўкилди олмаларингиз.
Кетсангиз бўларди бенишон — мангу,
Яхшийди ёдимда қолмаганингиз.

Кунлар мезон бўлди, мезонлар хазон,
Қўл тегмай тўкилди атиргулларим.
Менинг инжонганим, кутганим ёмон,
Сиз энг бешафқат қиз, шудир билганим.

НОЗИНГ

Нозинг билан чиқишмайди жон,
Шу юратим — оғриган ерим.
Лабларингдан тўқупудай қон,
Манглайингда тўрт қатор шеърим.

Ўйлаганинг сайин бегона,
Унутганинг сайин қайтаман.
Навбатдаги тушингда яна,
Ёмон эмаслигим айтаман.

Бугун сен ўзингдан норози,
Бугун мен ўзимдан кечгим бор.
Илк бор ғариб чиқди овозим,
Илк бор сенинг учун ичгим бор.

Кўнглинг билан келишмас сира,
Қайсар дилим — оғриган ерим.
Бир умрга номсиз хотира —
Пенюнапгда тўрт қатор шеърим.

* * *

Маи бағои сар бўлдим,
Сан давои тан бўлдинг.
Дарди дарбадар бўлдим,
Сан зулфи каманл бўлдинг.

Ишқ тийғи кўксимдалир,
Изладим ўксиб надир.
Бағрим ёриқ, юз ёруғ,
Сан нури шаман бўлдинг.

Райҳонсан — райи хонсан,
Ҳоқонсан — пойи жонсан.
Ёр, васлинг бор қатлигда,
Зиндони чаман бўлдинг.

Кокишингни ёзмағил,
Борлур йўшдан озмоғим.
Қайдан тошум юзингни,
Сочлари туман бўлдинг.

Бош урмоқлик иш бўлди,
Сигинганим ишқ бўлди.
Манинг кўнгиғи фалакда,
Санам бир санам бўлдинг.

ВИДО

Ўтиб видоландим сочларингизни,
Йиғлаб кузатдилар чувалиб издан.
Ҳали ҳам кўзингиз очмадингизми,
Воз кечиб кетсам ҳам энг гўзал қиздан.

Ўзини аямай ирғитар янроқ,
Кун сайин ўзанга сингиб борар сув.
Юзини хазонга яширар тулроқ,
Тобора шайтонга айланар сулув.

Хотир олислайди булутдек кўчиб,
Кўнгил ҳақида ўй — шунчаки эрмак.
Сизни яна бир бор ўйламоқ учун
Яна бир хиёнат қилишим керак.

Сизга ҳам, менга ҳам олий жазо шу:
Юз буриб ўтаман энг яхши қиздан.
Кўз очиб кўрганим бўлардингиз-ку,
Кўз юмиб бўлмайди гуноҳингиздан.

АЙЛАНИШИ МУМКИН...

Айланиши мумкин жодутар қизга,
Шамшир гул бўлиши менинг эҳтимол.
Фақат сиз ва менинг масофамизда
Ҳақиқатга айланмас висол.

Ойга ўқ узсангиз қулаши мумкин,
Уриши ҳам мумкин пойингизга бош.
Фақат дўст чиқмас, йўқ кўнглининг юки,
У оддий бир йўлдош.

Ақлга сиғади қадаҳда денгиз,
Қайиқ қилиб кетса бўлар кулдонни.
Фақат кўролмайман, тасаввур ожиз,
Йиғлаётиб чиндан кулпани.

Тунундим, севганим менга охират,
Кўрдим манзилимни олисдан элас.
Фақат сизга кўнгли қўйини, соҳирам,
Ҳақиқатдан ҳақиқат эмас.

МАКТУБ

Унуттим келмади,
Келмади омадим.
Сизни эслайвердим, ёзавердим шеър.
Шунча пайт хат ёзмай кимни аядим,
Энди одамлар ҳам нима деса дер.

Деворга суйкалди кафтларим ночор,
Тунчироқ нурлари кўзимга ботди.

Қандай йиғласангиз шундай беозор,
Беозор гапириб сизни йўқотдим.

Китобнинг қайрилган вароғи хотир —
Бизга ёқиб тушган энг гўзал байтлар.
Биласиз, бормаيمان — ширин хавотир,
Биламан, келмайсиз, хаёл бўш қайтар.

Шунча пайт гапирмай кимни аядим,
Шунча пайт ёдимда дуоғ, бўса, гам...
Унутгим келмади энг яхши дамим,
Сизни эслайвердим гуноҳ бўлса ҳам.

АРМОН БЎЛДИМ

Армон бўлдим дилнингга,
Армон нима билмадим.
Сен азоб еб кулдинг-а,
Азоб бериб йиғладим.

Севлинг жонингни қийнаб
Севилмаган қиз ўзинг.
Дийдоримга зор дийданг
Бугун ҳам ёлғиз ўзинг.

Юз бермайди муъжиза
Юз бор ўтгин оламдан.
Сен шунчаки ожиза,
Мен шунчаки одамман.

Куйгим келмас тафтингдан,
Жонингдан ўтгим келар.

Губори йўқ кафтингдан
Бир тўйиб ўнгим келар.

Севдинг, сенда йўқ айб,
Севолмаган ўзимман.
Раҳмат кугдим сендайин.
Мен ҳам севган ёримдан.

ХАЙР

Хайр, жоним, ҳайропа
Бўлма энди гапимдан.
Ёлғиз онам гирёна
Уйга қайтмаганимдан.

Фақат ишққа эгилиб,
Мен агарда яшайман.
Тош дилингга қасд қилиб,
Тош шаҳарда яшайман.

Хайр, жоним, кўнглим тўқ,
Сочингни бос кўксингга.
Ўксийдиган синглим йўқ,
Боғкўчамдир ўксингга.

Шунча қурбон бўлар кам
Шум муҳаббат ўйинига.
Кетмон чопсам бўларкан
Қиз севишнинг ўрнига.

Бари йўл ҳам тош бирдек —
Тош бошимни алдайман.
Мен ҳам ҳамма шоирдек
Суйганимни олмайман.

Хайр, жоним, гоҳида
Битмай йиғлаб қўймагин.
Эслама алоҳида,
Ўзинг билан ўйлагин.

ДИЛ

Дил нима-ю, дил эгаси ким бўлармиш,
Дард ортгани сайин ҳамдард жим бўлармиш.
Олисларла қийналармиш мени эслаб,
Бир қиз йиғлаб кўз ёшлари сим бўлармиш.

Билганим шу, кутган кўзни гард босмайди...
Йиғлар фақат, эслар фақат, хат ёзмайди.
Шундоқ кутиб куяверар ўзини деб,
У қиз мендан кўнгил сўрмай аразлайди.

Чан кўксимда муштдек ёқут — мулким оғир,
Қайғуларим оғир менинг, кулгум оғир.
Кел, елкангдан бир қучайин, дардингни бер.
Аммо нозик елканг учун юким оғир.

Бир хўрсинай, сочларингга шамол тегсин,
Гул юзингни кўкрагимга томон этсин.
Қучоғимда олиб қолай нафасингни,
Бир нафасда бор умримни тамом этсин.

Дил ўкситан сари дилдош жим бўларкан,
Чин йиғласанг, кўз ёшларинг сим бўларкан.
Ёлғизингдан йироқ кетсанг ёлғиз бўлиб,
Эслаганинг қадрдон исм бўларкан.

ҚҰШИҚ

Ёмғир ёғди йўлимга,
Йиғладингми, гүлжоним.
Раҳм қилмай дилимга,
Оғрийверди бу жоним.

Бўстон эди бу кўнгил.
Осмон эди бу кўнгил.
Шўркўрғонлик бир қиз деб
Йиғлайверди осмоним.

Эсладинг, қийноқ бўлди.
Бармоқлар титроқ бўлди.
Сочингга ёққан хазон —
Лабларим япроқ бўлди.

Умидлари омон қиз.
Соғинглари шинҳон қиз.
Оқ тупроққа тўкишиб,
Ўтиб борар армон қиз.

Маъюсмиди кунларинг,
Маъюсмиди куланинг.
Кулгин, янғрасин кулгинг,
Кўз ёшимдан унташим.

Ёмғир ёғди йўлимга,
Йиғладингми, гүлжоним.
Раҳм қилмай кўнглимга,
Оғрийверди бу жоним.

Эй, ўзимдай ёмоним,
Бир ёқимли ёлғоним:
“Бир кун гулга тўлармиш
Шўркўрғоннинг осмони!”

ҚИШНИ ИНКОР ҚИЛАР...

Қишни инкор қилар гуркираб майса,
Сукутни тан олмас баҳорий чақмоқ...
Менда вужуд қайсар, менда руҳ қайсар,
Мен сени севаман, Лолақизғалдоқ.

Имкон кетган кунда келган бу дардим —
Хатто эслашга ҳам қолмаган ҳаддим.
Фурсатни бой бериб, бахтли бўлмадим...
Мен сени севаман, Лолақизғалдоқ.

Иқрордан ҳайиқдим ва ҳамон жимман,
Балки иқрорингни кутган эдим мен.
Шеър айтиб, ўзимни овуғмоқчиман...
Мен сени севаман, Лолақизғалдоқ.

ҚИЗГА ХАТ

Оғирдан оғир ҳаво,
Пинжимга суқилади.
Соғинаман, аввало,
Кейин дил сиқилади.

Кўзим юмсам, кўзимга
Ҳиссиз оқ ер кўринар.
Булутлари тўзгитан
Осмонлар кир кўринар.

Қанча оламлар тўсиб,
Тик юлмаيمان тушимни...
Ҳар кун менга хат ёзиб,
Ҳар куни йиртишимни.

Оғирдан оғир хаёл,
Ҳаволар ҳам ғуссали,
Кутмаса бир гулжамол,
Бир ёрим бор, демаса.

Юз йил совуқда яшаб,
Қуёшни унуттандай.
Худди керакка ўхшаб
Яшамоқ мумкин қандай?

Севгидан майда гаплар
Изланмайди аслида.
Ҳақиқат бу, суйганлар
Эсланмайди аслида.

Ўйланаман ютоқиб,
Истайман бир хоҳишни.
Аввал хатинини ўқиб,
Кейин ўтга ёқишни.

РЎМОЛИНГ ЕЛКАНГДА...

Рўмолинг елкангда. Пахта терасан.
Боз эгат тугамас йўл кўринади.
Шунда кўксингда бир муштинг тирасанг,
Юрагинг бир сиқим кул кўринади.

Кафтларим теккандек титраса майса,
Нафасим еткандек титраса майса,

Этакка юз босиб йиглаб эслайсан,
Гўзанинг шонаси гул кўринади.

Кўнглинг хувиллайди пахтазор каби,
Исмим айтавериб ёрилар лабинг.
Кетганим гуноҳим, кутганинг айбинг...
Гиёҳлар силкинган қўл кўринади.

Жоним ачишади ортга қарасам,
Туманлар ичида ёлғиз борасан.
Биламан, кузни ҳам ёмон кўрасан...
Кузда қуёш нури ҳўл кўринади.

Мунисим, шу чоғда сендан ғариб ким,
Оёгинг увишиб ўлтирасан жим.
Сен каби меням келганда кўргим
Кўзимга дунё бир пул кўринади.

БЎЛСИН

Нафасингдан уйғониб
Кўрсам, кўнгли бор бўлсин.
Сўзларингдан бол томиб,
Суҳбатинг дилдор бўлсин.

Ойдан оқиб зарҳал ранг,
Нурдай таралса оҳанг.
Бармоғим орасида,
Сочларинг чилгир бўлсин.

Эрка ҳис-да, эрка лаб,
Бир қийнасам эркалаб,

Йиғласанг доғ билинмас,
Кўйлагинг гулдор бўлсин.

Қачон хўрсиниқ учгай,
Хўрсиниқдан шам ўчгай.
Энди келмасин такрор –
Бу роҳат бир бор бўлсин.

ЁМҒИР

Ёмғирни севардим сени тошгунча,
Эҳтимол, сувпараст, куйпараст эдим.
Ёмғирдан гўзалроқ келдинг, гулгунчам,
Ёки мен дунёга янгидан келдим.

Қай шамол уфоринг менга йўллади,
Қайси тоза кунда сени кутгандим.
Бунгача бунақа севги билмадим,
Тўғриси, унутгандим.

Ёмғир. Ҳар бир томчи ерни титкилар,
Мен эса титаман кўнглингдан ични.
Бармоқларим куйди сочингни ситаб,
Кўзингга тик боқиб қасамлар ичдим.

Дераза ёнида иккига ҳадик –
Иккига телбани кўрганми олам?
Биз бундан чиройли кунни кўрмадик,
Биз бундан бошқани истамасдик ҳам.

Ёмғир чалганмиди айрилиқ куйни,
Манглайдан дил қадар сирғалади сув.

Гулим, мен афсуслар чекмасдан қўйдим,
Ахир мен севгимни айтиб бўлдим-ку!

Биламан, ўшандан бери ётгизсан,
Ўша кундан бери юзинг қирмизи.
Гулим, мени эслаб, совуқни сезсанг,
Деразанг ёпиб қўй, ёмғир кирмасин.

НИМА ДЕСАНГ...

Тасодифми, тақдирми,
Гул бўлиб дуч келганинг.
Лол қолдирди ақлимни,
Меҳримга ўч келганинг.
Икки жонга бир рипга
Боғлангани — муҳаббат.
Одамману фаришта
Хоҳлаганим — муҳаббат.

Нима десанг, ўзинг айт,
Не куйласанг сен куйла.
Менинг жоним чиқар пайт
Менинг жоним деб куйма.

Сочмиди бу, гулханми,
Оёғимга ўралган.
Бунақаси бўлганми —
Оловдан қиз яралган.
Тасодифни, тақдирни
Енгил демас одамзод.
Йиғлаш, кулиш вақтини
Белгиламас одамзод.

Нима десанг, ўзинг айт,
Не куйласанг сен куйла.
Менинг жоним чиқар пайт
Менинг жоним деб куйма.

Йиғламадинг, кулмадинг,
Эслатмадинг тақдирни.
Фаришгадай келганинг
Киргизмади ақилни.
Сочи билан танамни,
Ёқмагани қиёмат.
Фаришталар одамни
Хоҳлагани — қиёмат.

КЕЧИКИШ

Иброҳимга

Тўйдан қайтар иккига соя,
Икки орзу тўйдан қайтади.
Иккисига бир сўз кифоя...
Ким биринчи бўлиб айтади?

Тун қўйнида сигарет тугар,
Қоронғуда сирғалар рўмол.
Термилишиб қанча вақт ўтар,
Фақат сўзлаш жулаям маҳол.

Зерикади забарласт елка,
“Уф” тортади позик бармоқлар.
У ўйлайди: “Сўзласин эркам”
Бу кутади: “Балки кучоқлар”.

Баҳона бир — одобдан бўлмас,
Иккисида шу илҳодир.
Қучмоққамас, сўзламоққамас,
Икковиям кутмоққа қодир.

Тўйдап қайтар иккита соя,
Икки армон тўйдан қайтади.
Кун сайин тўй мавсум ниҳоя
Ҳамон “ким биринчи айтади?”

Туғаб борар тўйлар мавсуми.

КЎРГАНИМ

Кўрганим, париндон бўлти сочларинг,
Хаёлинг париндон изимни кутиб.
Ўзингга заркишан бўлти сочларинг,
Ўтгасан тақдирнинг измини кутиб.

Кўрганим, тиг теккан япроқ лабларинг
Иккита бўлинган юракдек қондир.
Менга ёлғон бўлсин ҳануз гапларинг,
Майли, алдаб бўлсин, ўзингга қондир.

Кўрганим, кўзингдан ёш чиқар гоҳи,
Майли, синиқ бўлсин бор-ку, табассум.
Отангинг измидан чиқмай, йиғлоқим,
Бўзингдан чиқолмай қолди-ку, исмим.

Кўрганим, чеҳрангга тўймайин кетдим,
Тўлмайин ҳам кетди бу кўнгли кабир.
Булун ёлғиз сени тинглайман дедим,
Ўзгдан гапирма, ўзингдан гапир.

Кўрганим, юзингда умид бор ҳамон,
Ҳали юрагингда орзулар тўқис.
Дил бердинг кафтимга қўйгандайин жон,
Жонингни қаерда сақтайин, эй қиз.

Кўрганим, ранглари кетяпти гулнинг,
Ғашга тегиб ўтар эскирган тилак.
Сен ва мен асраган энг буюк дилни
Ҳеч ким кўрмаётти бизлардан бўлак.

ҲАҲУЗ

Ҳануз ер бағридан келмади ҳовур,
Кечикди бу сафар қалдирғочларим.
Кўксинг ёролмади кўзимдаги нур,
Ҳануз юрагингни менга очмадинг.

Гулларим очилди қон бағри лим-лим —
Бир қошиқ қонини ўтинган ошиқ.
Сен очик дарчага суяпсангча жим,
Дейсан, алтақачон орамиз очик.

Очиғи, ўзингни аядинг, билдим,
Гўёки асрадинг минг йиллик сирни.
Мен эса аямай кўксимни тилдим,
Манглайини очгим келди тақдирнинг.

Сенга дил очганим гуноҳим эмас,
Кўрасан, ўзини оқтар сочларим.
Фақат сўнгги нафас — охирги ҳавас,
Истадим, кўнглингни менга очмадинг.

Кўнглинг оч, кўзимнинг очиқтигида.

МУНДАРИЖА

Ёшлик кундалиги

Соғиндим.....	3
Мумкин.....	4
Кутдингиз.....	4
Сизга.....	4
Ёғар.....	6
Кўнгил бердим.....	7
Сенга шеър.....	8
Бундан буёғи.....	9
Халқона.....	10
Келинг.....	11
Нилуфаржон.....	12
Йиғладингиз.....	13
Кутиш.....	14
Нозинг.....	14
«Ман балои сар бўлдим...».....	15
Видо.....	16
Айланиши мумкин.....	17
Мактуб.....	17
Армон бўлдим.....	18
Хайр.....	19
Дил.....	20
Кўшиқ.....	21
Қишқи инкор қилар.....	22
Қизга хат.....	22
Рўмолинг елкангда.....	23

Бўлсин.....	24
Ёмғир.....	25
Нима десанг.....	26
Кечикиш.....	27
Кўрганим.....	28
Ҳануз.....	29

Адабий-бадний нашр

Носир Жураев

УЛҒАЙИШ КУНЛАРИ

Шеърлар

Муҳаррир *Аброр Қиличев*

Мусаввир *Олег Холодняков*

Бадний муҳаррир *Анатолий Бобров*

Тех. муҳаррир *Татьяна Смирнова*

Мусаххих *Фотима Ортиқова*

Компьютерда саҳифаловчи *Сурайё Раҳмедова*

ИБ №4712

Босилган 11.07.08 й.да руҳсат олинди. Ёнчими 70х90 ¹/₃₂.

Times гарнитураси. Офсет босма. 1,17 шартли
босма тобоғи. 1,5 нашр тобоғи. Адади 1000 нусха.
270 рақамли буюртма. 74—2008 рақамли шартнома.
Баҳоси шартнома асосида.

Ўзбекистон Матбуот ва ахборот агентлигининг
Ғафур Ғулом номидаги нашриёт-матбаа ижодий уйи.

100129. Тошкент, Навоий кўчаси, 30.

100128. Тошкент, Шайхонтоҳур кўчаси, 86.

Бизнинг интернет манзил: www.iptdgulom.uz